

四庫全書

集部

欽定四庫全書

御製詩四集卷六十二

古今體九十六首

己亥八

西南風

邇日西南風惜其勢畧小然究勝東北弗遑卜雨兆

叶

東北風多致雨近今雨暘時若非望澤時而河工正當引溜向東北時恐風逆不得掣溜也

足見情

無定惟視一時好

叶

引溜今急務欲順歸故道助以西

南風事半功倍早諸臣竭力為切待風信好

據阿桂等奏儀封工

次引溜溝已放勢頗暢達其引河則俟西南風順然後  
啓放庶可制動大溜現亦上緊籌辦通日雖轉西南風  
而勢弗天益切顯  
祝河神之助佑也  
我亦焦在茲遙望虔心禱慙愧聽於

神惟祈萬民保

含經堂

往歲率搗句每於燈節過

每歲元宵後必至此總賞至  
必有詠昨今兩年俱以二月

初駐御園且因在二十七月之內  
緊不遊覽故至此時始題句也

兩年却闕詠一晌復

成哦有喜因收麥多愁為

去聲  
今歲各省雨暘時若  
麥俱有收足為喜慰

治河

惟儀封漫工至今尚未  
合龍盼望常縈愁緒耳

愁常倍乎喜慙愧竟如何

淳化軒

兩廊排石墨展步造軒新可閱今千古難叅精與神消  
閒忽已夏濶什再經春所益忸怩者何曾化致淳

靜蓮室口號

石邏松圍書室便香花綴景供金仙莊嚴不事事清淨

恰映庭前矗靜蓮

謂假山  
石峯也

自遠軒

開軒向野敞而清即景因題自遠名然固有應宜近者

其間善惡要分明

意謂善當近而惡當遠

含韻齋得句

含韻以何名庭前玉蘭峙其數乃倍三擬之六君子君子故多韻而齋對於是向年每有什闕吟兩春矣稍稍吟興來花謝斯久已輟然笑著象韻豈有窮理

悅霽亭

暮春及首夏時雨復時晴二麥可稱稔黍禾亦遍耕五

月弗藉霖農諺還堪徵

農諺云有錢難買五月旱以利於晒麥也今歲節氣早此時麥

已登場晴雨雖俱無礙然  
尚係五月晴霽更相宜耳  
然惟今歲耳邇忘往歲情此

際方望澤何暇登此亭悅霽真悅霽艱遇慰益增而吾  
願進之書云戒滿盈

### 阿桂等奏河工形勢詩以誌事

南壩幸保固北壩每衝決

阿桂等奏五月初七日西北風竟日不止溜勢洶湧將北

壩頭冲塌十五大南壩已做成一百二十餘大保護尚為平穩北壩屢經冲墊難以施工云云覽奏深為煩悶

風勢既阻逕引溜成虛說欲移王家莊詳陳具圖閱看

直受頂衝庶可大溜掣

又據奏新開引溝之西王家莊有大兜灣一處擬於此間引河

一、道遠入正河，庶可掣動。大溜云云，并閘所呈之圖形勢甚順，惜未早見及此耳。

惜早未籌及

事或有時節轉眼伏秋臨繁憂增鬱結哀哉儀封民無能救阨隍惟冀此工成南望日焦切

泛月十二詠

月字

上弦過未九分圓已有清光燭碧天  
聊趣晚涼一泛舫  
孤斯况忽兩週年

月露

曉露日蒸夕露月然均雨足乃成瀼星羅水鏡都晴景  
何事無聲暗潤裳

月午

入夕即看蟾魄午知為早現望前時下春雖隱光猶讓  
陰抑陽扶理可思

月山

遠岸高低列假山半輪祇燭碧霄間高低影現隨其取  
順應物來本是閒



月湖

月自合湖湖合平更宜中置畫舟輕漫言明聖應數典

西湖十景有  
平湖秋月 豈異天中一例明

月樹

大枝傑豎小枝橫祇辨其形不辨名試向形初未名看

本來無定費閒評

月鏡

何須鼓鞀與摩旃天水空明上下鮮合相設如叅太始

唐宗三鏡祇曾元

月鐘

晚鐘聊以肖南屏自是發鯨非撞筵倘擬姑蘇城外者  
明春指日亦當聽

月螢

不燃而燭隨舟照熠熠離離幾點斜若以為光大小計  
孫家應合勝車家

月荷

開因見日合因月

荷見日則開見月則合出梵經試之果然

其合其開應有

緣消息難從女夷問靜香送處本來蓮

月橋

月樣橋拖月字中人行不礙往來通持燈那藉高低照境是琉璃步是虹

月岸

在水為虛岸為實半輪曾是不分疏維舟上岸言歸寢靜夜思之畧嫌子

雨 五月十一日

過日每作雲今朝遂為雨如霰霏細絲密點落卓午未  
刻忽盆傾然不久即住叶既無礙收麥而復滋禾黍更  
有愜懷處明當利行旅

幸避暑山莊啟程之作

有序

典具如初法駕展七程之始禮循乎古吉行踰兩  
載而遙緬

祖制之常遵秋蒐仍飭歎

慈歡之夙奉

夏清難追時則柳陌微涼梅霖正霽爰御驄而曉發習  
勞還似當年憶扶

輦以徐臻紀事頓殊前度歷山郵而臨避暑北道依然  
排星罕以指清河東門詎若撫盈眸之禾黍幼農  
藉用慰焉接撲面之雲嵐顧我何為情也適來行  
館合有新吟竭爾宣毫忍披舊什長言誌感小引  
抒懷

又是常年避暑時由來兩歲未行斯分明似昔全殊境  
展轉於懷那措詞經國

深猷述

祖德奉

輿欽養緬

慈儀山莊指日蹕將駐踊懼難為即景詩

過清河

園門十里路而近依舊乘驄過石橋

是日出大東門仍  
照前乘驄過清河

橋後始  
易與

請益聞之曰無倦長上聲年肯便御逍遙

麥欲收完禾黍茂此途此況實艱逢同農民喜不同者  
懼滿予惟滋敬恭

夜雨朝晴景色新排班喜動送鑾臣路旁亦有泥濘處  
僕役憐他受苦辛

過湯山

北望湯山過路岐不禁憶昔拊心悲四年前每

安輿駐

自癸未年為始每奉聖母幸熱河初頻必駐湯山以冀緩程安適至此分路處率遠

額駙福隆安先至湯山  
候駕問安正是遣人候

駕時

過蘭溝

丙申潔葺舊行宮

丙申歲因於蘭溝葺治行宮為聖母初程駐憩之所較湯山達

更近而行更便茲經過其地不忍仰視

程近圖緣

豫懿躬此日驅車不忍顧一時揮涕恨何窮

石槽行宮晚坐

午前早已卸征鞍行館棲遲愜靜觀過雨有颺皆送爽



浮雲無處不歸巒夏蟬試響出林澀槐樹成陰覆院寬  
四壁多粘歷年什睨而泚頽弗能看

曉行

曉行緣趁涼曉景亦堪喜灤灤露光浮冷冷風韻美四  
宇淨無雲東山忽拖紫知為日當升蒙氣出海水子輿  
云平旦誠可因悟理既而瞿然懼莫枯亡之矣

謁白河

龍王祠

有河必有司爰命建

神祠莫匪贊

天德因之謁路陞久經叨

庇佑

自建神祠以來每賴  
默祐安瀾未逢異漲

茲復展威儀仍祝雨暘若

由來稼穡資

西南風

昨盼西南風為吹送河溜盼之而未獲北壩復坍透因  
而為改弦王家莊津逗地勢當頂衝或可全川受竭力

疏引河醜之故道就然尚須時日

阿桂等昨奏於王家莊另開引河一道約

計月內或下月初完工俟汎水上灘實有欲進之勢即行啓放俾大溜掣入引河直達故道如果大溜全掣則壩頭水勢大減施工自易云云是該處工程尚需時日今日此間西南風頗大豫省工次即或相同而引河未成風力亦無可藉益切履懷

且弗資風候茲乃西南風無藉功難售

徒為爽涼披耶賴昏墊救未感增予慙仍祈籲神祐

晚熱

按頻駐離宮庭除晚熱烘密雲號空遇烈日景方融輜重到休暇樹陰涼趁風益知早行好凡事豫斯通

過九松山

穆家峪北熱經途蔚嶺依然翠陰扶明歲棲霞山右路

九株應驗是同殊

棲霞山有九株松  
向地時屢經題詠

勢益雄騰氣鬱蔥千霄以上落寒風問誰善解形容是

記得圖看陳所翁

龍泉寺瞻禮二十韻

石匣白龍潭舊傳為靈境往來每遙瞻瓣香遣致敬叶

昨歲夏值旱特以專官請

昨夏久不雨適召見攝京兆  
事胡季堂詢其田禾情形據

秦農民望澤甚切若即得透雨尚可收并奏及石匣  
龍潭向來禱雨輒應卽命其親往誠請翊日甘霖大沛  
遠近均沾禾稼頌覺茂勃復命時又奏言潭上祠宇及  
其前龍泉寺歲久頽圯特發內帑萬金鼎新之茲工已  
落成因巡幸避暑山  
莊便道至祠瞻禮 應禱普被霖舊宇因新整北巡值

落成親詣抒誠秉取道九松山東北循山逕叶近寺趣

頻殊樹密峯巒靜三潭疊瀉瀑尋源更遙迴石洞窈首

潭其深不可等想卽神所安一泓含溟滓便風亦不波

雖冬而恒洞神祠臨峭崖像設問欵聲四圍陡壁間松

栢森勁挺一川冰雪飛五月衣裳冷所見竒蹟多似此

頗鮮並祠旁構精舍以備小憩領疏窗既納涼曲檻堪  
憑景無須勞步履坐攬得全省意謂此多哉吾豈為遊  
幸惟祈雨暘時鴻庥利民永

攬勝軒作

在南天門  
觀音寺傍

巖門扼要向南天寺側朗軒俯碧川兩歲未臨真迅耳  
一心迴憶益悽然香花供養湖

慈蹟

雲漢瞻依灑淚泉小憩便教鳴轡去恨留終古祇詩篇

出古北口

兩年未此度巖關昔歲情懷想像間戎詰敢因忘

祖制

歡承那再奉

慈顏閭闔滋庶籌衣食市肆無征任往還

古北口雖設關門商賈出

入例不征稅

承德府新興學校兼觀士習可雍嫻

口外

啓程前之雨口外由來小禾黍原綠芄麥却未收了黃

雲蔚滿野吐穗灌漿飽雨不雨皆可農功隨路考教養  
雖並重養較教為要<sub>叶</sub>居今言教難而養不可少所以  
切孜孜祈年祝萬寶

再題常山峪行宮八景

綠樾徑

夏仲千林葉已稠容容張蓋綠如油步來却恐滅明笑  
在彼仍當行不由

虛白軒



重到雲軒頓覺悲憶常

夏清適於斯歡娛掖

輦那能再虛矣白手付不知

青雲梯

幾疊青林罨碧疏雲如更復擬梯如寄言管蒯慕斯者  
踏實還當戒踏虛

楓香坂

山楓過雨浴芳馨低坂高陵一色青展步分明淨香界

恰宜小閣梵王經

如是室

如是寧云談佛謁今朝如是有餘思屏風八扇

奎文煥

室內屏風為書唐人七言絕句八首

皇祖御

繼述

鴻規豈外茲

蔚藻堂

不須啓秘更抽妍大塊文章列目前試看形形與色色  
起予無盡自天然

翠風埭

風豈翠手林翠之請觀葉颭與枝披一般飛動菁蔥者  
舍巽二能能更誰

陵霞亭

岡頭一笠欲凌空階下鋪雲日照紅設以赤城相比擬  
亦堪賦句傲興公

至喀喇河屯行宮作

亦復乘輿亦騎馬年雖望七敢偷安灤平得號欣稱縣

昨歲升熱河廳為承德府其餘六廳改  
為州縣隸之喀喇河屯今稱灤平縣  
札薩迎途虔謁

鑾惠近柔遐恒志切撫今思昔暗心酸分明翼日山莊到  
夏青全殊著句難

灤陽別墅

別墅灤之北稱陽義可思據高風自爽當夏日猶遲撫  
席過平聲兩歲擘牋又一時山雲空際合便雨亦云宜

虬蓋亭

虬幹由來早成蓋盤盤益復翠陰森到斯便與乘涼坐

那更無端計丈尋

小金山

臨灤一拳石稱曰金山小一亭三間屋棲巖俯浩渺我  
亦久未到題詩殊欠少到斯難忍置引興頗覺好拈毫  
試吟搜上下空明晶如在琉璃界不塵徹裏表遐想浮  
玉景原繫吾懷抱而吾居箇中稱小豈明道何必舉莊  
周物物自了了

至避暑山莊得句

承德新陞以府名四民歡忭路旁迎山河自是萬古閱  
寒暑忽教兩歲更雖曰勵躬法

祖志傷哉迴首養

親情初來例有詩篇紀慙愧無端七字成

永佑寺瞻禮

至止先茲瞻禮虔

祖功

宗德日中天惟欽

魏蕩垂萬世不覺光陰閱兩年頗幸雨暘以時若正愁

隄堰未工堅

自去歲七月河決儀封之十六堡屢築屢衝至今尚未合龍深以為慮

今朝

肅撥申誠處為憶前番益淚漣

寫心精舍作

神御樓之側精舍幽而雅每因成小憩近率逢仲夏

叶

山靜日方長景合子西也槐陰及松籟別我兩年者胡  
為如是乎撫心不能寫

詣松鶴齋感成六韻

舊日攸芋

夏清曾齋顏松鶴

壽希徵闕情生憶茲尤切以禮制心特未能對境徒慙  
孤所望捧

床祇恨叫無

應胎仙朗韻誰為聽蒼客嘉陰莫與憑嘆是三年倏已

過思惟

神御敢頻增

山莊永佑寺惟敬奉  
神御不敢并及

皇祖  
皇祖妣

皇考  
皇妣松



鶴齋雖聖母昔年駐蹕之所亦如壽  
康宮暢春園之例不敢增奉神御也  
栢捲列置

胥如昔言及斯真痛弗勝

熱河承德府紀事八韻

有序

上塞久鍾擅坤輿之勝槩神皋特闢萃天府之奧  
區造化既具此山川分野自呈為都會溯惟熱河  
著號因泉溫而紀地靈迨乎承德命名初設州而  
今置府緬昔

經營文園始成避暑之莊及余纘習武功斯佇行秋之

典烟井萬家而遞衍盈寧既叶屢豐禮樂百年而後興教化亦徵日盛作廟準省垣之制

熱河先建城隍廟像

設祀典悉視保定省城

建學崇

孔子之堂文治甫彰賢書遂薦迺詔銓曹而集議悉依內地之成科首廳遷郡守之階即資統轄餘屬分牧令之職仍帶原銜人因舊而制則惟新規模於焉大備官不增而事無所廢庶政因之益修顧兩載已隔鳴鑾茲五月復臨蹕覽歡迎之士庶

愈懷

祖德之培貽撫輦錫之班聯恒凜泰符之熙洽用吟長

律兼識大凡

皇祖初名避暑莊熱河數典邨云忘萬家烟火昔成聚

皇祖熱河詩有聚民至萬家之句今不啻數倍矣

千里幅員今闢疆承德建州

癸丑始丙申陞府繼先覆因之擇地立

文廟遂以育賢起學庠信是百年興禮樂欣其比戶富  
農桑漫猜林本鹿豕藪試看家增弦誦場朔定安興軍

湖古

遼於此置北安州興化軍屬中京大定府金改興州寧朔軍屬北京路

豐灤建赤縣

分傍

熱河升為承德府統轄六屬並改八溝廳為平泉州四旗廳為豐寧縣喀喇河屯廳為灤平縣三座

塔廳為朝陽縣塔子溝廳為建昌縣烏蘭哈達廳為赤峯縣仍兼同知通判原銜咸隸承德府撫茲樂

利蒙

庥者保泰惟殷敬不遑

題文園獅子林十六景

獅子林

文園塞北此時開移得江南粉本纔獅吼一聲大千遍

悟知無去亦無來

虹橋

駕水石橋宛若虹波光浮動有無中  
武夷帳幔何須擬未脫塵寰色與空

假山

真山四面假成斯其故云何別有思  
薄假貴真試遊目山猶如此戒應知

納景堂

面水背山敞四筵景延遠近納無邊灑然對處依然念  
不覺光陰隔兩年

清閼閣

高閣倪家宛在此既清且閼遠塵喧何須更展迂翁畫  
喬樹蒼山古法存

藤架

覆橋為架架藤枝引蔓分條葉滿披散步綠陰俯流水  
漫嫌曾不過花時

磴道

磴道層層砌假山林岑曲折費登攀設如次第論詩品  
祇在郊寒島瘦間

占峯亭

一峯之上一亭幽近翠遙青四面酬占取無邊好佳趣  
原從脚底漫他求

清淑齋

山館清舒祇隔河

齋在清舒山館之南相隔一河  
山館之名  
皇祖所題也

齋名

清淑意如何卷阿

家法近咫尺憩息中懷肯構多

小香幢

一間小閣豎疑峯幻作香幢護相容大士有云泯能所

不知何物稱

去聲

清供

探真書屋

滿然書屋額探真  
緋几芸編次第陳  
豈在章尋與句摘  
要當實責以名循



延景樓

兩歲曾無拾級尋  
仍看風樹與雲岑  
儻然延景愴然憶  
大異前巡

愛日心

畫舫

塞水艱於可泛舟  
居然池面貯澄流  
烟蓬月棹隨飄漾  
賒與清河作卧遊

雲林石室

雲為林復石為室會以天然遠以塵而我原非習靜者  
不過偶至一怡神

橫碧軒

近沼遙峯映綺疏碧霄含蓋永如如莫非奇也奇之最  
軒以無言領有餘

水門

跨水為門月樣空往來時許一舟通偶然寄趣因成涉  
勤政吾當恒惕衷

洗象歌詠宋宣和端石硯

宣和博古通儒釋選材製硯鑿端石命工刻作洗象圖  
不述聖經述佛蹟應知洗象寓色空而何通金啓金隙  
汴梁富麗一朝盡可憐龍賓埋瓦礫是誰得之誰用之  
依舊無言演梵筌

唐寅納涼圖

坐石臨流學古狂平頭奴子侍邊傍不須搖扇方暹暑  
自有松風送颯涼

題鏤玉三友屏風

人中有玉卉寧無鏤玉仍宜三友乎蘇老品題精體物

松竹梅為三友始自東坡吳工追琢宛成圖此君居左右高士屏風三扇

左竹右梅中松羽客飛來傍大夫松上棲鶴把筆欲吟先却俗清防

真是稱去聲稱呼

荷

今歲殊常氣候早塞荷夏五放薰風

山莊荷花率六月始開其五月即開

者必因遇閏今歲無閏而不知八九月之後可尚能留

水面紅

向年八九月間山莊荷花尚存雖因湖內有溫泉之故究以開遲則落亦遲此意已見乙未詩

註今歲荷既早開未識秋深時尚能存留否也

清高風度出塵姿湖泛恒教盪槳遲繞

膝稱

觴竟永罷昔年今日不堪思

過河詣溥仁寺瞻禮

清曉鳴鞭過武列

詣溥仁寺必須過橋此河為固都爾呼即古之武列水也 乘涼減

從謁祇園祝

釐昔日諸藩部

此寺係康熙癸巳年蒙古王公等捐建以祝

皇祖六旬萬壽

考蹟

此時古法門

熱河所有諸寺以此為最古

試看度生藉慈力詎殊畫

象注乾元循名責實於斯切佛道中原世道存

布達拉廟瞻禮有作

布達拉原肖前歲落成土爾扈來賓

土爾扈特急呼之則為土爾扈猶厄

魯特急呼之為厄魯也

無心招致彼殊域有意懷柔此近人

蒙古素重

黃教況此寺倣前歲之式尤為壯麗諸札薩克王公等每扈從瞻禮無不歡喜踴躍即此亦懷柔之一端也

松樹種將嘉蔭滿山花開遍法雲彬更今札什煥倫布

札什倫布華言須彌福壽也以班禪額爾德呢欲來京  
為余祝七旬萬壽特於後藏式班禪所居廟建於此俾  
之居欣在觀光輻輳頻

殊像寺疊丙申韻

殊像像文殊豈云異貌乎濶違忽兩載瞻禮此重紆法  
演三千界心傳調御夫無生祇二字行處目瞠吾

香林室

是林無不香是處香之最室築梵宮傍自應餘津逮潤  
以沆瀣精吹以蘆蒿籟耳根及鼻觀合相成靜會五木

與都梁火氣直宜汰

倚雲樓口號

山樓兩架倚晴暉  
莫謂無雲便擬歸  
試看青蔥峭嶺者  
蔚林詭石豈其非

廣安寺疊乙未詩韻

亘山疊樹盡娑羅  
勝地真宜創舍那  
瞥眼誰期閱兩載  
散懷偶爾得重過

昔年祝願成三幻

寺本為  
於乙未詩紀

聖母祝  
及之孰

意竟成  
虛願

釐而建  
曾



此日虛無說六多柔遠詎惟宣梵教

此寺居普陀宗乘廟之西與羅漢堂

殊像寺俱在北山一帶地當塞苑之後琳宇駢羅益增勝縣不僅宣揚黃教令蒙古王公等瞻仰生歡也即

今棧樸作儒科

今升熱河廳為承德府建立試院定以學額並度地創建文廟期塞外士子

戶習絃歌振興文教

### 獅子園即事

北山一帶列精藍瞻禮便因

邸簾探冬夏別茲忽經二歲年計則已為三松陰竹籟  
撫如故月宇雲居步尚諳向憶

椿今

萱並憶即斯景況對何堪

樂山書院

重來書院坐

兩字樂山標每覩

堯文麗便思

孔語昭聖功明以示王道豈其遙鑽仰夫誰事末由徒

自焦

草房

不敢輕因易瓦為依然三架以茅茨閒庭小立餘深思  
黃屋非堯

志早垂

妙高堂

不到凡塵處惟應顥氣俱近山都拜下一室若棲無觀  
妙寧須李稱高欲笑蘇明春伏牛上試與問同殊

松栢室

一栢恒看對一松交枝佈葉翠陰濃元方之側季方立  
餘者其間可漫容

護雲莊

偶步護雲莊雲無朗霽光雖非望霖除頗覺值晴長夏  
日方騰赫巖風忽似歲何當名副實一雨變新涼

題宜照齋

齋額顏宜照都因向擇西却來禺中近未值夕陽低孤  
景任其爾會心適我芳硯屏棊几置便與一吟題

却炎榭

此處應無災可却以無災却却炎稱因思名實胥兼半  
能所孰為真所能

雨

五月廿一日

七日途間總遇晴歡娛僕役利行程固因收麥宜暘喜  
頗為去聲新禾望雨縈連夜達晨茲渥霈高原下隰徧滋  
榮已霑便冀以時霽我亦同人無定情

題弘旰山水

畫裏別裁有合詩黃雲漠漠倚巖竒真情實景得扈蹕  
萬傾山田麥熟時

詠古陶弦文缶

越器代增華陶穴斯最古亶父未足云虞舜則已睹有  
孚比垂象納約坎示矩竝壘其子孫水土其父母叶銅  
堅千百多瓦脆一二數返樸誠有心日未艱再午

題虞集澄泉結翠硯

絳紗漉取歷陶甄泥也而今較石堅通奉信稱能體物

金  
湖源結翠到澄泉

喜晴

五月廿三日

霽晨已自散山雲卓午復陰細雨紛既渥遂愁或過也  
望晴實切不寧云夕陽忽照一天碧璫霧全消四嶺分  
自覺戚欣失涵養緣闕稼穡太殷勤

御製詩四集卷六十二

欽定四庫全書

御製詩四集卷六十三

古今體一百三十一首

己亥九

文廟釋奠禮成有述

聖祖於斯避暑曾養恬樂利被黎蒸間閭此日較前盛  
禮樂百年以後興爰建

廟堂欣慶落載因釋奠仰

依憑菁莪雅化捷影響已有庠間俊秀升

丙申夏詔於  
熱河興建



文廟并定各廳入學額數丁酉秋  
順天鄉試即有熱河生員中式者

題董誥山水花卉冊

春景山水

日照千巖綠欲出風吹一谷白  
難巖最欣畫意含詩意  
不辨香光與雪光

右晴巖香雪

邃谷竒松隱小樓泠泠階下有泉流  
箇中斟酌者誰氏  
仿佛詩人白與劉

右山樓茗話

江村柳綠復花紅萬物無言識化工却看歸雲如有意  
恐防日色太暄烘

右花港雲歸

碩軸弗藏而自藏層層巒岫鎖烟光問誰於此樂飢者  
不是逢萌定薛方

右層嵐烟靄

野橋紅杏一枝新小艇浮浮渡彼津此趣定非名利客

金夕已人  
卷六十三  
知他必是問春人

右野航曉渡

臨溪水閣雅如航坐愛山中日漸長不學陶家聽松籟  
却欣古色照人蒼

右松壑日長

春水初生綠且柔止行弗約任輕舟自耽源裏幽閒趣  
那較世間清濁流

右清溪倚棹

山頂層樓宜縱目，長江如帶面前披。  
忽看決背入帆影，來往衝波者復誰。

右江天帆影

過雨春山新水生，飛泉落峽自淙鳴。  
聽來頗契東坡句，正是大絃和且平。

右蘿磴聽泉

濛濛烟際進舟輕，兩岸人家望弗明。  
怡憶向年安福裏，

安福福艦舟名  
御以東巡者

倚篷凝盼不勝情

丙申申巡幸山東迴  
鑾舟行正當助雨

右細雨輕舟

鰲鰲英英磻戶封昌黎文裏悟雲從上人自在精藍住  
便是安禪制毒龍

右雲塢精藍

東風吹雨霽光新水足銀塘塢疊鱗最是農家知節候  
驅牛已見出耕人

右柳塘新霽

春景花卉

有香非艷更無塵信遞江南早報春  
越使一枝人不識  
盈廷固合笑梁臣

右白梅

弗以香稱以色誇  
近疑火齊遠疑霞  
菜榴焦萼奚堪比  
知是滇南鶴頂茶

右山茶

誰將花雀以金稱  
兩翅翻飛若弗勝  
籬下牆邊春自好  
知他無意上觚稜

右金雀

春月開花秋結實淡紅深綠纈芳枝定知餅史閒堪傲  
庶子家丞蕪者誰

右桃花

紫衣換却白衣裳色固佳哉恐遜香

紫丁香香味不如白丁香弗當

此大凡花之白者多香

更笑僧家多羨此有人偏惡識超

常

右紫丁香

紅白曾誇兩種奇，即今雜色變紛披。

雪球本以白得名，今五色皆有枝頭。

日變其色，謂之繡球，却覺相稱。

拋來設利令人悟，悟否而花總不知。

### 右繡球

艷朵輕盈綴細絲，當場欲舞力難持。  
折腰大小休相擬，雅似霓裳入破時。

### 右垂絲海棠

重重花瓣逞鮮妍，衛足還同葵亦然。  
莫惜枝頭香氣少，大凡物類忌兼全。



# 右刺薜

底須魏紫與姚黃

牡丹以此二種為貴然紫者已鮮而黃色者總未見也

紅擬太

真艷晚粧

見薛鳳翔牡丹譜此花似之

祇向冊中標一朵知他已足

## 冠羣芳

# 右牡丹

射干各色論難同

李時珍云射干即扁竹今所種多是紫花者呼為紫蜩蝶蘇恭陳藏器謂

紫碧花者是為尾紅花者是射干韓保昇謂黃花者是射干蘇頌謂花紅黃者是射干白花亦其類朱震亨謂

紫花者是紅花者非本草綱目離揀各說而引土宿真君本草云射干一種紫花一黃花一碧花且以為為尾

射干本是一類但花色不同如牡丹芍藥  
藥菊之花之各異似亦不得謂之定論也  
一例生因廣莫

風翻却簡文舊佳句

蝶黃花紫簡文句也

試看紫蝶入花叢

### 右紫蝴蝶

鮮看躑躅色深黃遠異宣城叫斷腸  
但以別名稱老虎  
早知氣味足驚羊

### 右黃杜鵑

飄蕭綠葉襯葩紅設色能探造化工  
試看此花殿羣卉  
要知春在四時中

右長春

到含青齋因題句

別茲冬夏二年餘到復晨昏七日踈似此幽佳不經意  
何須構築合慙予溪流山峙呈來靜翠邏青縈妙入虛  
湊以新晴風日爽一塵弗染潤盈裾

挹秀書屋

山中書屋原含秀經雨山容秀更佳林下過來猶滴露  
風邊披去欲開懷

松霞室口號

容容落落菴窓紗夢裏為吾醒不差浪說饋堯弗受  
赤松常自傲青霞

含粹齋

遠流恒此帶清溪

是處巖室名清溪  
遠流齋其別舍也

巖室南頭別舍樓

曰水曰山皆道筦惟純惟粹合天倪逢源左右垂

雲藻仰慕高堅勗日躋安得他年真謝政於斯讀易靜

探稽

題養粹堂

詰曲幽蹊那厭遙豁然開朗見雲寮來經含粹憩養粹

含粹齋在谷口

皇祖題額

也昔屢有詠來此所必經路

昔訓垂堯今述

堯詎喜山容純不雜擬窮理趣靜而超無須更侵韋編  
讀舉目文言義總標

延山樓得句

出樹有高樓山姿舉目收四隣若可揖一意與相投妙

理間中悟清吟靜裏搜著占需上六不速客之儔

題山近軒

古曰入山恐不深

入山惟恐不深見韓愈文集

無端我亦有斯心丙

申初構已亥得

是軒經始於丙申秋今於已亥夏落成

仲夏新來清曉尋

適興都因契以近摘詞那敢忘乎欽究予非彼幽居者  
偶託聊為此暢襟

清娛室口號

窈窕中藏室一區遠塵因以號清娛雖然詎可恒安此吏

治民生總繫吾

簇奇廊

穿石入壺天借巖架雲祀嵐靄盪胸懷  
掣剛變尺咫攢簇列鏡中生動攬畫裏  
無之而不奇祇惜移步履

古松書屋

草房雖不古而松與古之借問松何年  
不知種者誰宇宙以來山有山松在茲  
適茲構草房宛共松同時落  
落涼陰翻謾寒濤吹邨覺當夏五直如  
對伊耆無須閱

世書總可兒孫其

題文津閣

建由甲午成乙未四庫將因備弄珍即此鈔刊未及半

彙輯四庫全書分別應刊應鈔并命繕為書冊并閣中今校錄之功尚未及半羨他淵海那探

真圖書先貯古今集

閣中列架備貯全書因尚未藏事先命裝古今圖書集成陳之架間

言行惟期枕藉循偶至據牀輒蒿目望洋徒自愧知津

趣亭

假山縱新成林古山因古峻峯隱曲澗活潑流泉吐仄



徑可攀陟小亭栖岨  
崕穿奧遂得曠萬樹園堪覩其趣  
不可窮槩以趣為所

月臺口號

不盈十笏俯嶙峋也可稱臺望  
月輪大似襄陽帖中句  
却無甘露炫時人

題舊端石雁柱硯

趙宋李唐難辨年  
鵲晴甘五柱端  
鐫義山几上設  
逢此  
錦瑟那吟五十絃

陳洪綬消夏圖

或撥阮咸或撫琴或看蓮朵默成吟座中三友雖殊致  
消夏原同一片心

題漢玉輞頭鉗

輞頭於古不為重重以歷今千百年物亦當前弗稱寶  
人應逮後乃知賢試看血土經沈浸已閱滄桑幾變遷  
張釋之言真可省拈毫欲詠意犁然

詠雕竹七賢筆筒

竹林醉客恣狂娛，刀寫還看代筆濡。雖傲愷之七賢意，

未如舜舉五君圖。

內府有錢選五君圖，曾經題詠。

夜雨

五月廿六日

四日連晴一夜雨，逮時行候審無妨。松軒聽有落簷瀑，紗帳送來拂席涼。憶得夢囿已收定，數上聲餘蓮漏幾聲長。廉纖過午勢將歇，却望雲開朗夕陽。

喜晴

昨晚晴猶夜微雨，今晨雨止晚開雲。雖非靈霽終為懼，

茲朗霽曦乃覺欣苔篆鹿蹤庭際見羽衣鶴唱嶺邊

聞閣章待久遲時刻

昨京城所發閣章應於今日未時到山莊茲遲至一時有餘蓋因雨後山

河水漲阻滯耳

應值山溪水漲湔

題錢陳羣和韻書仍用甲午詩韻

兩歲山莊倏別諸崇頭香樹重

去聲觀書獨嘉老手饒

麗則詎為連篇多頌譽有主世南寧讓彼無兒伯道

並憐予

陳羣子汝誠頗能世其家學茲不韋病歿為之惋惜

明春安福艫中路

迎蹕遙愁識者疎

六月朔日作

昨日雖晴夜猶雨縱微終覺不如無今晨四宇陰仍重  
卓午一天雲散都正值朔辰真幸也言逢時霽實佳乎  
人多經事乃多畏怵惕因心敢放吾

廣元宮六韻

元為善之長上聲生物主東方因肖岱宮式

碧霞元君廟在泰山頂北

方祠祀極廣屢著靈應京師建廟城外有五頂之稱落  
而中頂南頂西頂尤著皆官為算治茲倣其制為之

成靈宇慶萬家烟火庶兆姓息孳昌承德今升府興文

並設庠祈年協陽雨布

佑富耕桑惟以民情願無非

祖蹟懷

蘊奇齋

峯層復嶺重嵐秀護階濃鎖徑多詭石罍檐著古  
松起思無定趣引睇鮮常容恰似青雲士諸奇蘊  
一宵

遊山室

山本靜無動無動無去來而室顏曰邀其義何居哉諸  
峯自畫展一牖惟虛開朝暮恒與俱嵐靄恒與陪去亦  
弗遮留來亦弗拒推是謂不速客敬之終古該

古俱亭

喬松足有千載古峻嶺今看一笠俱小坐消搖得奇會  
忘年之友定無殊

山莊即事

電光石火刻難駐不到山莊隔兩冬知我有悲白雲色

慙他無改碧山容

堂題樂壽成虛望

聖母所駐山莊行殿向  
曾敬題樂壽堂額以寓祝望心識

音顏祇夢逢懼不忍言昔所詠

昔孔子於父母之年不  
可不知謂一則以喜一則

以懼余向惟知有喜而不忍言懼甲午秋曾有知年不  
思舉宣尼之句乙未夏有我惟知不忍言知之句今復  
何言而令覓懼亦何從

題宋蕉葉白七子硯

蕉葉還因側理為久堅發墨故其宜設如七子詢名姓

應是竹林雅會時



詠漢王素壁

素壁異蒲穀土華蔚赭蒼知非內因惑

子華子內之所惑赭黃五色

喜以外含章規中

去聲

春應執虛標月滿匡置宜何處好

十二紫金堂

題金廷標畫冊

長林豐草帶清江牛背閒嬉牧豎雙鼓掌拍來如按板  
哆脣吹去不成腔那知饑牯拖犁慢似會忘蹄並兔降  
苗稼犯人則何有且看露地任縱縱

右牧笛

倚石居然二老者溪邊舊地偶相逢飛來白水若振鷺橫  
入蒼松狀舞龍指似已拈形以上望中欲覓色無從得神  
去韻應如是法契南宗最上宗

右觀瀑

楓丹雲白問程天弗校途中孰後先一幅畫斯為旅矣  
三人行必有師焉圖中三雞鳴茅店應纔別驢背石橋  
人策蹇夫豈然却笑蹇猶費牽策忽忘身被利名牽

右旅蹇

茅屋風清臘欲殘  
梅花開未倚窓看  
瓷餅冰凍不禁插  
鐵榦雪消且任攢  
若有若無香世界  
非仙非俗古衣冠  
奚童避去圍爐火  
祇箇先生獨耐寒

右玩梅

千尺雪

雄聲涼色互交加  
石縫雲端歇復斜  
前日塞山初過雨  
落來絳雪自仙家

一處弄藏四處圖

西苑盤山及此俱做吳中千尺雪各為一圖圖凡四卷分貯四處每至一

處展卷則彼此三處俱如在目前也

展看何異遍遊娛寒山明歲試數典

端覺難分同與殊

### 永恬居

野橋幾渡水澶沾倚巘山居薦地詹覺與昔年初不異  
欣於六月了無炎檐禽對客意為永林鹿狎人心亦恬  
宜必練研求警句興之所至筆因拈

### 素尚齋

巖廊重攀陟文席小樓遲山夏還依舊松風特相入宜  
聲

乘閒堪綴墨觸景憶

含飴兩字欽心繹

千秋教意垂

創得齋得句

今朝有餘暇便擬入山深風日宜新霽峯巒是故林肩  
輿陟雲磴坐榻俯瑤岑耐可稱得創句餘始一尋

夕佳樓

較齋又畧高縱目正出樹四圍山濯翠一字晴澄素邇  
來雨已足千峯喜斂霧到茲以卓午夕陽景未遇然而  
一樓中固恒貯佳趣

枕碧樓口號

巖樓兩架枕孱顏無地臨乘片刻間擬象設如稱碧海  
忘筌雅似到三山

過東嶺至稱檀林

自西而往東西升東降兮設使自東來西下東乃躋高

嶺鎮橫亘何曾分別斯因悟一切名由人所強為創得  
齋之東梅檀林在茲調御坐如如過未現等齊而我猶  
饒舌把筆為新題

天籟書屋

額簷借構李天籟發天香詎祇欣說項無因寓達莊亦  
將真蹟檢便置箇中藏

項元汴喜蓄名人字畫每以天籟閣印記鈐之今書屋既仿其

名因於續石渠寶笈書畫內曾經元汴印識  
鑒藏者檢數種貯此亦猶名責實意也

設以北南較

高他千里強

超然亭作歌

山已高哉臺更高因之名曰超然亭詎云津逮彼兩蘇  
覺勝膠西難計數徂雲片片無流連天光山氣相澄鮮  
一塵不到萬緣靜吾意亦與同超然雖然吾意更有說  
高則無物不照徹古之帝王蔽冕旒水至清亦愁魚竭

滄洲趣

天池原艱致窪樽庠以水頗具溶潏勢趣寓滄洲耳究

費人力勞薄賞每於此

每當無雨時憩此所司必汲  
水注池為點綴因酌量賞之今



來乃弗藉雨足水存裏亦復梳荇藻亦復成沼沚小許  
無待多濯清有所喜

雲潤樓口號

恒喜英英雲潤樓今來雨足望雲收一天霽景供和墨  
硯瓦却餘珠露留

詠栴檀林鳳尾松疊乙未舊作韻

隨宜築山舍奚用延袤計而迴得佳概懸居若空綴懿  
此鳳尾松移根自別地恰值門前石有孔亦奇事孔圓

徑一尺松纔拱把遂放根綽有餘得氣鬱蔥翠茲別復  
三載不殊彈指際雖覺分寸粗石孔粗未逮逮其同孔  
粗誰當詠靈異百年已難期而況期千歲

俗云千年松  
萬年栢若至

千歲此松當  
粗彌石孔矣

山東巡撫國泰奏報收麥及雨澤霑足詩以誌慰

夏收定已九分多暑雨優霑屢霑沱各屬大都無不遍  
兆民自是有餘和更籌狼藉欲徵麥足備倉儲例抵禾

國泰奏山東省城及各府州屬於五月中旬下旬均得  
透雨秋禾十分暢茂並奏稱本年東省二麥豐收所有

欽定四庫全書

卷六十三

節年民欠倉穀請照例以麥六斗抵穀一石交歉後窮倉小民易於輸將自必倍加踴躍即如所請行歉後窮黎幸逢此奏章批尾慶如何

題薛紹彭蘭亭硯

薛米由來弟與兄

見米弟書史

襄陽惟是意為傾綠端恰寫

蘭亭景凹背還鐫稊帖成知古法仍兼畫趣祛時態早契書評即看墨沼蒼雲潤欲出呼之聚有精

題吳鎮嵐光送爽圖即用其韻

遠岫雲歸膩雨晴一川新爽拂簷楹喬松謖謖鳴幽籟

試問因何不得平

欽揖倣趙孟頫設色山水

下筆似雲烟王孫法則然

見欽揖自識語

奧區開白屋薄霧過

青天

亦用欽揖語

謝客絕三徑消閒展一編不為章句學

圖中

有此印疑即揖物

意寓畫中宣

詠漢玉鸞

久於筆法玩義之曲項昂頭意不羈應識漢家舊風  
月影娥池上伴曾誰

題宋紫端平直研

舊品依然存舊式名稱平直義精微告伊試墨構文者  
兩字母教出範圍

陝西布政使富綱奏雨澤農功事詩以誌慰

農功原所重宣承護篆尤其奏所應

通省農田本為布政使專責况畢沅

已赴甘肅署理總督印務富綱現護陝西撫篆尤應入告

二麥已收稱歲稔大田普

種待雲興

富綱奏陝省二麥登場甫畢正當犁種秋禾已於四月杪五月初通省均需溼澤茲省城

復於五月十三至十四日甘霖大沛極為溼透近省各屬紛紛稟報同日沾被透足者居多且連日陰雲四布

可期遠近普霑新苗既資暢發未  
種者亦可佈種齊全農民歡慶

連朝繼夜霈真渥近縣

傍州被以仍北省大都霈澤遍河南獨繡未聞曾

京城於五

月十一得雨而二十二三等日則熱河及京師俱連日  
得雨淋漓透昨國泰奏山東於五月中下二旬各屬均得  
透雨與畿輔相同豫東境壤毗連晴雨自應相倣而陳  
輝祖雖曾奏五月初六以前雨澤情形至五月中旬下  
旬通省曾否均渥甘露  
尚未據奏因馳諭詢之

### 題永樂雕漆愛蓮盒

弄置山莊歷有年猶看永樂細紋鐫溪亭正值荷開候  
即景欣他是愛蓮

題陳書幽居清夏圖簃頭

其子陳彛書夜遊山月歌所追

夜遊山月初清娛頗類幽居清夏圖書扇因之供暇覽

懷賢

陳書賢母也憶舊並殷吾

熟

數日不雨赤曦歊浮雲幾片歸岫消懼雨念轉為盼雨  
人意何嘗有定標山莊避暑未易避戶烟輳集暖氣招  
鬱蒸木黍正怒長岡田露重如濡澆大凡一利具一弊  
從人旅舍煩炎燭豈如廣廈據爽塏茂樹下時送涼颺

適已忘衆非美德  
逌暑摘句當

去聲解嘲

出麗正門乘馬觀稼觀隄并成是什

十餘日深居未曾一命駕雖日有召見究覺多閒暇  
邇來縱炎熱曉每涼風下因之一策騎觀隄更觀稼  
稼既茂有成隄亦堅無罅習勞動之端重穡德之化

皇祖家法昭詎此徒消夏

河南巡撫陳輝祖奏報通省雨水需足詩以誌慰

甫纔馳諭問情形即接封章佳信聽

昨因豫省五月中旬以後雨水情形



陳輝祖尚未奏報於初八日早馳諭  
君重臣殷都以稽  
詢問初九日該撫報雨奏章適至

此廬彼到畧因寧四州九府遍霑地稻下黍高茂長町

更近大河工逮歲

陳輝祖奏五月中下二旬儀封工所得雨四次並據九府四州陸續稟報

於六月十四五十八九及二十一二等日各得雨二三  
次甘霖闔境優霑早秋雜糧乘時暢茂晚禾亦佈種齊  
全漸多出土西成可卜豐收引河亦屆  
工竣專待汛至引溜覽之慰以為企  
亟祈歸溜叩

神靈

御門引見月官有作

月官銓部選攸殷正印要殊雜職分正合躬親重器使

雜惟依擬免勞紛

月選官員文職知縣以上武職守備以上令吏兵二部帶至熱河引見其

佐雜等官則命留京王大臣驗看放行以省徵員往來勞費

雖然子羽失應戒底藉

山公譽有聞

今月選之例悉按班次銓除曹司胥吏無從上下其手最為公允若由部臣擇擬或

出自廷推難免偏徇黨援之弊雖引對甄核定於片時然察其言動而衡之柄不下移紀綱肅臣下不能擅竊威福可當萬世遵守也已定章程斯盡善守而弗易勉公勤

泛月即景得句

山莊夏泛月拋已兩年向雨後值快晴佳景可孤放夕

陽猶下菴乘涼湖裔曠須臾暮色蒼遂登青雀舫

山莊舊有

舟名

青雀既消搖塞湖亦澄泓玉蟾正麗午過弦光漸明萬  
樹猶傑池千峯將合并東壁騰餘輝視之如赤城

赤城原非霞峻挺幻赤色綠樾繪丹嶂可望不可即乃  
在石城外縱目景全得說與泛湖者天然詎人力

人力不易為勝地太古巖水芳而巖秀妙義詮

奎章函蓋無不具繹思為傍徨如月燭九霄見之此山

莊

西峪

山莊至廿日西峪今初到佳處久濶置恐貽山靈笑是  
時小雨過酷暑已消叶因之趣餘暇藉用暢清眺一  
以攬畫趣一以尋詩料片雲忽飛來勢絲幕巖峭皎日  
照半天無礙銀竹落叶幻景乃若是新爽宜懷抱叶楓  
林有襲芬蘭坂無生淖須臾復朗霽萬峯濯翠嶠歷歷  
靜之會蕩蕩仁者樂設非偶命駕安知如許妙

題有真意軒

西峪巖谷中是為最初地文軒據山凹向名有真意  
本來無忙務耐可坐而憩循名欲責實相羊引深思  
真者妄之對意者心之使必其心乎理所發乃純粹設  
匪克己功鮮弗為私蔽私蔽莫非妄求真實艱致豈如  
碧峯靜無言無不備

對畫亭

窓入千峯作畫看較於畫更備多端即如乍雨乍晴况

李成馬遠知他欲狀難

空翠書樓

書樓枕嵒嵒空翠舊為名大似樓空宇而饒納翠情恰  
看收雨足滿意向晴迎巖壑濯新面徐聽落瀑聲

題秀起堂

往歲初來即有詩

向年莅山莊之日率即至此堂題什  
今年距初到半月餘始至西峪於堂

中憩詠其遶  
非無故也

今年閱半月云遲已因涉新景無暇

如廣  
元宮

山近軒皆丁酉戊戌未來所新成者又因明歲班禪額  
爾德尼喇嘛來此祝壽為之建須彌福壽之廟尚未成  
亦時上  
閱工更恐攬陳迹惹悲佳處豈終弗一到此時誰識

有千思即看四壁粘吟翰多是承

歡依輦詞

振藻樓口號

四壁題詩率已多別生清會會如何日中則昃月盈蝕  
振藻知當戒太過

經畬書屋

有冊在棐几有函在竹格而我儻然來坐每不溫席安  
得饜飫暇味此經史籍無異荒唐耕孤茲寸陰譬念彼

傭書人遑耽晏遊適

靜含太古山房

落斜不數武而總步仄徑於密忽小谿山房樸以淨鄰  
虛意為永據迴峯羅勝開窓引清風可望亦可聽松籟  
為絲竹石稜供餌訂靜色與清聲不塵總悅性把筆欲  
吟難思量無句稱

夜雨

六月  
二十日

十日已快晴一雨實恰當傍晚晚峯吐雲入夜霽飛嶂炎



欽定四庫全書

御製詩四集  
卷六十三

歎忽淨滌涼爽侵帷帳細而調笙絲壯而傾盆盎其聲  
尚可擬其形未容狀於稊信何礙於溪或有漲然亦塞  
山常擇高村無恙河工待水增順溜應可放

儀封工次  
王家莊引

河現已挑成專俟伏汛一到河流增長即可相機啟放以禦大溜日來盼望甚切

二千里外心

遙遙寄惆悵

喜晴

夜雨朝猶密佈雲辰牌微霏細絲勢四山過午全開霽念  
到農田慰以欣

題朱彞尊井田硯

曝書亭裏考經義井字硯田磨欲平自是伊人思復古

可知復古實難行

井田不可行於後世向每切論之及題夏休周禮井田譜復為刪發其義

詳見前  
詩註

花下狸奴歌題明宣宗畫

湖石秋花庭院閒一隻狸奴據茵跼不為登局亂茶盤  
何弗捕鼠坡翁訕分明寓意於其間而乃陳郭拒讜言  
責人則易責已難復議此者那能刪

詠官窑淨餅

生二陶成修內司全消火氣葆光滋珠林秘殿常曾  
見大士普門手所持

文徵明山水

攜舟避暑白洋灣著色聊乘三日閒

梁拓徵明  
自識語

生面爭衡

太湖水層巒聳出翠孱顏

題古玉穀璧

粟紋平欲盡球路直猶存穆若表形古闇然內德溫何

人捧朝序誰氏伴邱原入土還出土其間不忍言

題夏珪月令鹿角解圖

鹿麋夏冬殊角解本非麋已得明徵

月令云仲夏鹿角解仲冬麋角解今

考之則山莊吉林之麋及木蘭之鹿皆角解於仲夏並無解於冬者惟南苑之麋俗謂之長尾鹿則於冬至解角始知從來記載之誤曾為說以訂正之落單須識無雙理墮剝那堪沒頂

能

剝頂骨也鹿剝在其頂皮內上生雙岐歧上乃出角其角解也或前或後即同解其兩角亦分落成隻令

珪所畫乃兩角並在剝不知射殺之鹿取其頂骨乃獲雙角在剝其自解者斷無並剝骨雙落之理此係經親

試而知夏珪固未嘗見蹙氣知其真有應聲射生笑彼鹿又安知其生死也

又何曾魯魚似此紛久矣訂偽依然恐不勝

熱

土潤溽暑時晴蒸即覺熱山田賴有此苗怒長上聲穗結  
早晚仍爽涼斯則塞景別於人於稼穡兩利無非節地  
是

聖人貽恩實

天公設對時育萬物勉敬始終徹

招涼榭

都名避暑莊而暑亦恒有是處招涼樹惟涼暑則否其  
故謂云何五字可得剖西壁高百尋峯陰每早取前林  
羅衆木搖風爽常受而況帶以溪澄澈遠塵垢弗招涼  
自致曰招饒滕口

食蔗居

嶂巒衆峯攢山居三架安來盤千澗曲到憩一壺寬味  
固甘無盡景因靜可觀壁題隔兩歲其故欲言難

小許菴

昔來小許菴意每謂其大茲來小許菴意乃別有會  
大舍小固常小致大堪戒不必談禪理實宜味儒話  
儒話古有之謹小慎微誠

夜雨口號

六月十四日

邇日蒸炎知有雨夜窓滴瀝聽簷鳴由來適可還應止  
況是纔逢兩日晴

喜晴

夜雨曉猶霏油然欲作霖雖云應暑節無那望晴心卓

午密雲散中天皎日臨撫茲諸事吉慰以倍生欽

夜遊山月禱詠

望舒按轡上應遲仍陟霞標坐待之高處不遮山現早  
一端窮理見於斯

待月之昇共月行巖岡徐下馬蹄輕別來斯景兩寒暑  
昨日今宵瞥眼呈

風閃林光銀葉翻網淪筑韻瀑聲喧底須研練成新句  
癸未長歌已備言



峻坂原非直馳下徘徊月宇緩鳴鞭清遨略寓習勞意  
望七人猶未歇肩

陸治水木芙蓉

水芙蓉及木芙蓉朱注韓詩會意重

韓愈木芙蓉詩  
採江官渡晚寒

木古祠空朱子注云荷花與木芙蓉生不同處而色  
皆美名又同故以採江寒木二事相對言其生處花

放拒霜荷祇葉故知君子善能容

憤中荷祇畫葉  
而無花故云

詠古玉虬螭壁

陽琢虬雙逸陰鐫螭四蟠坤乾凹凸異泰否偶奇看別

體具深義佳珍契古歡何須論蒲穀誰熟讀周官

題舊澄泥卷荷承露硯

荷葉卷為承露盤松煤研處溢文瀾筆非秋以垂而擬

影落蟾蜍在廣寒

硯池內凸起  
作蟾蜍形

降旨免甘肅省二十七年至三十七年帶徵民欠

銀米詩以誌事

因灾向有緩徵條辛巳前經普豁消

甘肅地瘠民貧歷  
年均有偏灾節經

蠲賑緩帶民間所借籽種口糧及緩徵等項積欠甚多  
曾於乾隆三十六年降旨將二十六年以前舊欠倉糧

欽定四庫全書

卷六十三

四百餘萬加恩豁免又於四十二年將民  
借折色銀八十四萬餘兩亦予豁免  
壬午至茲又多

載銀糧復積合催徯幸逢今歲二麥稔率計十年一例

饒今歲甘省二麥豐收民力尚屬充裕徵納自可如期  
但該省完條積欠之區若將連年積欠一體並徵仍

恐不無拮据因降旨將該省乾隆二十七年起至三十  
七年止帶徵未完銀二十三萬五千餘兩糧一百五萬  
四十餘石槩予寬免使積逋普  
免追呼邊氓更得永資樂利  
百姓足誰與不足由來

歲富訓猶昭

留京王大臣奏晴雨應時詩以誌慰

昨近常逢陣雨優幸而即霽每紓愁所欣京縣亦時若

却恁大田卜歲收

留京王大臣奏自六月初九日雨後旋即晴霽十二三等日連得陣雨時作時

止十五日天色朗晴誠可謂雨暘時若并差探四鄉大田雖土膏滋潤而炎蒸之候得此雨澤並不覺其過多低窪

處亦無積水於雜糧蔬果均為有益

低處並稱無積水菜畦兼可望登秋

奏章各省多佳信

近日山東河南陝西各省陸續奏報均於五月中下二旬雨水霑足而豫

東二省則六月得此何修勵已修

見虹

無端復雨復憂忡傍晚雲收幸見虹可卜定晴宜暑月

還希催溜暢淒風

儀封工次新挑王家莊引河已成專候伏汛水長并赴西南風逼溜之勢

相機啟放至今尚  
未奏及盼望益切

遠源漲落武列北空宇橋拖蝦蟇東

天地何當有淫氣失言難諱紫陽翁

虹乃日光雨氣相  
薄而成朱子於衛

風蝦蟇篇注以虹為天地之淫氣殊害於  
理曾於咏七十二候虹始見章詳辯之

清舒山館

山之複更水之隈別館偏宜擇向開  
清聽所欣謖濤耳舒懷都為快晴我  
兩年歲月如疇昔七字吟哦屬儻來  
身有餘閒志無逸文筵未肯久徘徊

願志堂疊丙申詩韻

願志願誰志徒餘五字留

丙申題願志堂詩曾有願志願  
慈志及壽祝擬

仙壽之句

重來悲仰額空說

壽增籌兩歲景如幻一川水鎮流水流何所似似我淚難收

再題所做倪瓚獅子林圖仍疊前韻

由來水到便成渠斯語堪詮畫與書園建獅林原慕彼  
圖藏清閼復題予幽佳此日傳上塞同異明春證古胥  
一再做之一再詠自維何事太紛如

賦得鏡水雲岑

水鏡靜含照，岑雲動以間。四言留。

聖蹟五字破天慳，不競觀流處俱遲。對在間金山畫如。

展

是處亦名金山

玉局帶難扳，仁智妙兼會。

美牆望久開，瞠乎行莫逮。把筆益慙顏。

詠宋澄泥天池硯

王扶泥硯屬文同，歲久錚錚聲作銅。我為陶泓賀得所，  
常供和墨寫筠叢。

再題古玉圭

不辨商周制猶存河嶽形穆然徵上瑞彬若輯明廷古  
質閤桑海虹光射斗星奚稱梁代璧詞艷鮑卿銘

立秋

六月二十七日

邇日時陰晦幸非落霽昏今晨忽朗霽秋節慶真諧不

雨何妨掉

俗以立秋日不雨則秋月雨少謂之秋掉收又作秋吊亦有以立秋日雨為秋吊者

雲果是佳農謠屢徵驗

農占以立秋日晴為西成豐稔之徵試之屢驗

即景且

紆懷



登四面雲山亭子用兩韻迴文體

避暑山莊暑亦過設恒無暑柰田何然而涼處暑可避  
斯則山莊有獨多避暑莫若此亭子高處不勝寒是矣  
至却月餘未曾登則慮恐勞僕從耳今朝立秋秋信多  
光陰荏苒真無何常時望中給念者是宜乘爽言經過  
不須命騎命輿耳數息駕言亦是矣千巖萬樹在眼中  
眼中吾老吟杜子

玉岑精舍作

精舍極西北欲造罷以嬾今朝乘新涼不可更需緩況由  
降最高事半功倍顯亭子別雲山輕輿遵石棧林海泛  
綠波峯迴疑棹轉濟勝有若斯入深無不歎率欲忘筌  
蹄那復言倪莞

湧玉亭

昨過山雨石溪盈俯瞰玻璃十笏明渟者自居瀉者湧  
願言今日善循名

題秋澄齋

今朝秋信甚分明舉目天高氣已清雖有雲生惟覺淡  
每欣日照必含晶閒來那計兩年別偶坐堪探六義精  
研淨甌香諸慮靜山齋真是副嘉名

靜餘軒有會

靜餘有二義一曰靜有餘是則軒可獨而我偶領諸一  
曰餘以靜乃每心憫予萬幾日待理清暇艱致於靜更  
躁之反餘復饒可如未能饒以靜且圖躁成祛

御製詩四集卷六十三